

"دیس دیاں واراں" تے اک جھات

سعید بھٹا دیاں گھنیاں کتاباں وچوں "کمال کہانی" تے "دیس دیاں واراں" دو اجیہاں کتاباں نیں، جیہناں دالانا اسیں سارے مل کے وی نہیں تار سکدے۔ "دیس دیاں واراں" دی پہلی جلد پنجاب انسٹیٹیوٹ آف لینگویج آرٹ اینڈ کلچر نے چھاپی اے۔ اصلوں ایہو کم اے، جیہڑا ایہہ جیسے ادارے دی ذمہ داری اے تے ایہو جیسے کم نال ای ایہو جیسے اداریاں داناں نکلد اے۔

وار عربی شاعری دی صنف رجز دے نیڑے تیڑے دی شے اے۔ اوویں داہراں داہانہہ سرہا کرن پاروں وڈکیاں دی وڈیائی نوں چیتے کرانا، سورمیاں دیاں جدی پوڑیاں گنوا کے اوہناں دے اصلے نوں نتارنا، جنگ دی ونوونی دنیا دے ہر پکھ دی سمھال کرنا، لہو دے تانوں ساویاں رکھنا تے نشانی تے سرکھنڈی چھند دی ترکی چال نال جنگ دی گرمی تے گھس نوں امر کر دینا۔ انج واراں راہیں پنجاب دی تاریخ ای نہیں، پنجابیاں دے اندر دا لیل وی سمھالیا گیا اے۔ وار سنویا وار پڑھو تاں وار وچ نیندر یا سماتے کُنجی ہوئی خلقت نویں سروں ساہ لیندی دسدی اے تے ایہہ گن اجیہاں نوکلا گن اے جیہڑا شاعری دی کسے ہو رو تک کول موجود نہیں۔

ایہو گن "دیس دیاں واراں" دا سبج وی اے۔ پہلی جلد دیاں واراں دیسی قبیلیاں دیاں لڑائیاں بارے نیں۔ ایہناں گل چھ واراں وچوں پہلیاں دو نوں رے چدھر ڈ دیاں واراں نیں، جیہڑا پنجابی لوک ادب دا مشہور پاتر اے۔ پہلی وار میر بہرام دی اُنی ہوئی اے، جیہڑا نوں رے چدھر ڈ دا جدی میراٹی تے نوکر ہا۔ سعید بھٹا ہوراں بڑی لکھی کھونج نال ایہناں دا زمانہ ستارھویں صدی عیسوی متھیا اے۔ جیہڑے اٹھارھویں صدی عیسوی دے ادھ تائیں جیوندے رہے۔ انج میر بہرام دی لکھی وار اج توں تن پونے تن سو سال پہلاں دے پنجاب دے اندر لے کھلا رتے جگھے من دی سونہہ دیندی اے تے چنھاں کنارے وسدی خلقت دے مہاڑ دی دس پاندی اے۔ ایس وار راہیں دس پمدی اے کہ اوس ویلے دی وسوں اج دی وسوں توں کیڈی وکھری تے نوکیلی ہائی۔ جیویں سعید بھٹا دسد اے:

"ستارھویں صدی دے جھنگ دی پشوپال وسوں ہے۔ تگڑیاں قبیلیاں ہٹھاڑ دی بھونیں اُتے ای مل ماری ہوئی ہے۔ ڈنگر، پشوپال ہے۔ ہٹھاڑ وی دریادی سبجل اُتے ای واہی ہوندی ہے۔ ایہہ واہی وی ان کھاون جوگی ہے۔ چرائی دیاں ساویاں جُوباں اُتے مل ای تگڑیاں دی ہوند دانشان ہے۔" (ص 25)

نورے چدھر ڈ دی وار ایسے ہوند دی سمھال پاروں اے پر ایس وار راہیں پنجاب دے اوس ویلے دی وسوں، ورتاوا، سورم گتی، ریت رواج تے سبھ توں ودھ کے بولی وی سمھالی گئی اے تے ایہہ صفتاں میاں جانی دیاں وار دیاں وی نیں۔ دس پمدی اے پئی "میاں

جانی ایہہ پوڑی (وار) نورے چدھر ڈی حیاتی وچ ای لکھنی شروع کردتی ہاتے ایہدیاں مڈھلیاں آٹاں اوہناں نورے نوں گل وچ سنائیاں وی ہاں۔" (ص 70)

سعید بھٹا ہوراں ٹھکویں کاڈھ کڈھی اے، پئی ایہہ وار ستارہویں صدی دے اخیر لے دہاکے تیکر مکمل ہو گئی ہائی۔ انج ایس وار دی زبان، وسوں تے ورتاراوی تن سو سال پہلا دا اے۔ وڈکیاں دے ترکے دی ایس سنجی سمھال پاروں سعید بھٹا دے جس نہ گاویئے تاں ہو رکیہ کریئے؟

میںیں جانی دی واریاں تریٹھ 63 پوڑیاں تے چار سو چھیالی 446 ٹکاں نیں تے میر بہرام دی واریاں چھتھی 36 پوڑیاں تے دو سو یاراں 211 ٹکاں نیں۔ میر بہرام نرانشانی چھند ورتیا اے تے میاں جانی ہوراں، سرکھنڈی تے نشانی دوویں چھند ورتے نیں۔ میر بہرام دی واریاں، "وچار" وی اے۔ جیہڑا اوس ویلے دی نثر دا اگھانمونہ اے۔ ایہہ "وچار" رہندیاں چار واریاں دا حصہ وی اے۔ انج "دیس دیاں واریاں" راہیں ساڈی بولی دے دو گھائے پورے ہوئے نیں۔ انج سعید بھٹا توں آس اے پئی اوہ ایسے سودائی پئے نوں اپنی آنگ بنا کے اجیہے ڈھیر ہو رگھائے وی پورے کر سی۔

"دیس دیاں واریاں" دیاں دوئیاں چار واریاں میر چو غظہ دیاں لکھیاں نیں، ایہہ چار واریاں "بھٹیاں بلوچاں دی وار"، "بھٹیاں نشو آئیاں دی وار"، "للیریاں منگسیاں دی وار" تے "للیریاں اعواناں دی وار" نیں۔ میر چو غظہ "نورے چدھر ڈی وار" دے شاعر میر بہرام دے پوترے ہن۔ اوہدے پیو دانام میر معظم ہاتے اوہ پپل بھٹا، تحصیل چنیوٹ ضلع جھنگ وچ جے۔ اگوں اوہناں دے پوترے میاں باز نوں گل کھ تے چنگے چیتے پاروں چنھاں دے کھار وچ لیجند منیا جاندا ہا۔ پنجابی دے مشہور لوک کتھی میاں کمال دین ہوراں وی گل کھ داڈھنگ اوٹھا تھوں سکھیا ہا۔ میر چو غظہ دیاں ایہہ واریاں میاں باز ہوراں بڈھے وارے اپنے پوترے چو غظہ خان نوں لکھو اچھٹیاں ہن۔ سعید بھٹا دی کھوج موجب "بھٹیاں بلوچاں دی وار" 29 اپریل 1942ء نوں لکھوائی گئی۔ انج سو سال توں اُتے دا ایہہ ترکہ چھ پیڑھیاں مگروں ہمیش لئی سمھالیا گیا۔ دُوئی وار "بھٹیاں نشو آئیاں دی وار" دا ویلا ہوروی پچھیترا اے کیوں جے اوہد اگھ پاتر قادر بخش سمت 1862ء وچ مر دا اے، جیہڑا عیسوی تقویم موجب 1805-06ء بند اے۔ اُنجے میر چو غظہ دی لکھی تری وار "للیریاں منگسیاں دی وار" دا زمانہ اُنھویں صدی عیسوی دے وچکار دا اے تے چوتھی وار "للیریاں اعواناں دی وار" وی ایسے زمانہ دا ویرا کردی اے۔ انج میر چو غظہ دیاں واریاں راہیں اسیں اٹھارہویں صدی دے اخیر توں اُنھویں صدی دے ادھ تائیں دے پنجاب دی تاریخ تے وسیب دے رنگ ڈھنگ دے جانو بن دے ہاں تے اج دی وسوں پاروں وڈکیاں دی حیاتی تے اُلیل دا ایہہ دان کوئی معمولی دان نہیں۔ سعید بھٹا ہوراں ہک اودری ہوئی قوم دی خالی جھولی نوں بھرن پاروں جو کشت کشیا اے، اوہ سلاہن جوگ اے۔

ایہہ واراں پنجاب دیاں باراں دے واسیاں دے ٹا کرے دی کتھا ہوون دے نال نال پنجاب دی سیاسی تاریخ دا خزانہ وی نہیں۔ مغل، رنجیت سنگھ، اوہدی آل اولاد، دیوان ساون مل، مولراج ورگے پاتر پنجاب دے بدلے مزاج دی دس وی پاندے نہیں تے پنجابی وسیب دی ریت رواج نال جڑی خلقت دے آگو وی نہیں۔ دیسی قبیلیاں دے پاتر، مان انکھ، ویرتے مانتناں بھرے دسدے نہیں تے قبائلی زندگی دے سچے تے سُچھے پکھاں دے پاہرو نہیں۔ انج ایہہ واراں، پنجابی وار دی صنف نوں ہو رپیڈیاں تے سربا کر دیاں نہیں تے "سکھاں دی وار" تے "چٹھیاں دی وار" ورگیاں مشہور واراں دے پچھو کڑ نوں اگھاڑ دیاں نہیں۔

ایہتھے ایہناں واراں دی کہانیاں دا ویروا کرن دی گھل نہیں۔ انج وی سعید بھٹا ہوراں اپنی کتاب وی ایہہ کم ڈاڈھا پھباتے ٹھہاکے کیتا اے۔ اوہناں ادبی کھوج دے عالمی معیاراں نوں سامنے رکھیا اے تے کھوج دے کسے کھیترونو پینا نہیں رہون دتا۔ وار دی صنف بارے ویروا، تاریخی پچھو کڑ، پاتراں بارے کڑی تحقیق، ویلے دی ونڈتے زمانے دے تعین دے نال نال حوالے / حاشیے، انتظامی تے مالی اصطلاحاں، سوے، ناں، قوماں، وڑھیاں، تھان، نقشے تے ضمیمے اجیہاں وستاں نہیں۔ جیہڑیاں تحقیق دے کم نوں سُبجّاوی کر دیاں نہیں تے ایس کتاب نوں عالمی پدھر دے تحقیقی کم دا درجہ وی دیندیاں نہیں۔ پنجابی کھوج دی ٹوروجھوں ایہہ ڈھیراگوں دی بُرزی اے۔

میں ایس کتاب دیاں ڈھیر صفتاں کرن دی بجائے ایہہ آکھساں بھی ایہہ کتاب ساڈی زبان، کلاتے ترکہ تئاں پکھاں نوں سمھال دی اے۔ پنجاب انسٹیٹیوٹ آف لینگویج آرٹ اینڈ کلچر ایہناں تئاں پکھاں دی سمھال تے وادھے پاروں بنیا اے۔ انج ایہہ کتاب چھاپ کے اوس اپنے ہوون دا حق تاریا اے۔

آس اے! "دیس دیاں واراں" دی دوئی، تری تے ہو ر جلد اں وی جھبڈے چھاپے چڑھسن۔

دھرتی جائے دی چنتا" دیس دیاں واراں "اک ویر ورا

[illegible]

سعید بھٹنہوراں دی پہلی گھالنا 'کمال کہانی' دے روپ وچ ساہمنے آئی۔ 'کمال کہانی' میس کمال دین دیاں من پرچاوے لئی جوڑیاں تے سانجھیاں کہانیاں نہیں ہین۔ ایہہ کہانیاں اپنے اندر تاریخی، سیاسی تے معاشرتی رچار کھدیاں ہین۔ تاریخ دے بہت سارے اجیے کچھ جیہڑے ساڈی لکھتی تاریخ داحصہ نہیں ہین، بڑے جج تے سچائی نال ایہناں کہانیاں وچ ملدے ہین۔ میس کمال دین ورگے کئے لعل رُل گئے ہین، جیہڑے ساڈی وسوں دی یرانے ویلے توں اجو کے سہ تائیں دی تاریخ زبانی سانجھی بیٹھے سن۔

پنجابی لوک ادب راہیں عام بندے دی ہڈ واپری نُوں سانجھن دا پہلا کم ___ اے ڈی اعجاز ہوراں 'کمال بلیندی' تے 'جھانجے چھتے' سودھ کے کیتا سی۔ اوس توں مگروں پروفیسر شارب ہوراں اوسے پاپے ٹر کے 'بار دے ڈھولے' تے 'کنیں بُندے' مشتاق صوفی ہوراں 'بار دے گیت' سودھ کے بار دے جیون دی سانجھ داکم کیتا۔ ایہناں دے کم اپنی اپنی تھاویں سلاہن جوگ ہین، پر 'کمال کہانی' دے آون نال پنجابی ادب دے لکھاریاں نُوں اک نویں چتاؤنی ملی۔ زبانی تاریخ دے نویں دبستان دا مڈھ بجھا۔ نشر لکھن والیاں مئیں کمال دین دی کلاسیکی ونک دی گل کتھ توں ڈھیر لاجھ چکيا۔ کہانی کہن تے لکھن والیاں ___ کہانی دانواں ڈھنگ سکھیا۔ سبھ توں اُچھی گل ایہہ وے یی پہلی پھیری بار دے وسنکاں دی تاریخ تے نفسیات ساہنے آئی۔

سعيد بھٹا، ہوراں دا دوجا بھرواں کم 'دیس دیاں واراں' دی پہلی جلد ہے۔ ایہہ جلد 'نورے چدرڑ دی وار (1)۔۔۔۔۔ میر بہرام، نورے چدرڑ دی وار (2)۔۔۔۔۔ میاں جانی، بھٹیایں بلوچاں دی وار'، بھٹیایں نسوانیاں دی وار، لیریاں منگیاں دی وار' تے 'لیریاں اعواناں دی وار' ایہہ چار واراں 'میرجو غطہ' ہوراں دیاں سرجیاں ہوئیاں ہین۔ ایہناں واراں دے پاتر تے قبیلے تحصیل

پنجابی ادب وچ 'وار' باراں دی نرِ پکھی شعری ونڈ آکھی جاسکدی ہے، جیہیں نے اپنے کلاوے وچ باراں دی تہذیب، قبیلیاں دی تاریخ، بدلیسی حملیاں دے ہلے، مقامی سورمیاں دے بل، شریکے دی نفسیات، باراں دا جاگیر داری نظام، حاکماں دے نمائنداں دا باراں دے وسنیکاں نال ورتارتے سیاسی کھچ دھرو نوں سانجھیا ہویا ہے۔ 'دیس دیاں واراں' دے کلاکار ایس پکھوں وی اُچیچ رکھدے ہین کہ 'وار' دی شعری صنف لئی اوہناں دیاں ورتیاں اصطلاحواں وکھریاں ہین۔ جیویں 'وار' لئی 'پوڑی' تے مصرعے لئی 'اٹ' وارتے پوڑی تاں اک دُوجے دے بدل لئی ساڈی تاریخ وچ ورتیندے آئے ہین پر مصرعے لئی 'اٹ' دا ورتار پنجابی ادب نوں نویں دین ہے۔

'دیس دیاں واراں' کہن نُوں تے جھنگ دے مقامی قبیلیاں دے جیون تے نفسیات دی کتھا ہے، جیہڑی زبان تاریخ دان راہیں ساڈے تائیں اپڑی ہے۔ 'وار' دے تاریخ دان نے صدیاں توں سینہ بہ سینہ قبیلیاں دی تاریخ نوں سانجھ کے نہ صرف سیاسی تاریخ تے رہتل دے کچے پورے ہین سگوں 'پٹوار'، 'پلس' تے 'مالئیے' دیاں اجیسیاں اصطلاحواں توں سانوں جانو کروایا ہے، جیہڑیاں مٹدی تاریخ نال مٹ رہیاں سن۔

'دیس دیاں واراں' دے شاعران داسبھ توں اگھڑواں انگ زچکھی ہونا ہے۔ 'سُتھرے سبھادافن پارہ تخلیق دے عمل وچوں لنگھ کے اودوں ای وجود پائے گا، جدوں اوس دافنکار اپنے جذبیاں نُون سورمیاں دی سورمیاں توں اڈرکھے گا۔' 'دیس دیاں واراں' دے فنکاراں دے اپنے جذبے کدھرے وی آپیوں باہرے نہیں ہوندے نظریندے۔ اوہناں دے تپاس دا ہتھ تکلڑی نُون کان نیں

پون دیندا۔ 'وار' دے سبب توں لے کے جنگ دے منظر تے جنگ توں مگروں دے حالات بڑی ایمان داری نال بیان کردا نظر یںدا ہے۔ میری جاچے ایہناں توں سچا تاریخ دان کوئی نہیں ہے، جد کہ لکھتی تاریخ جھولاں نال بھری ملدی ہے۔

جی وی وڈی نر پکھتا دی ذمہ داری وار کار دے موڈھیاں اُتے ہوندی ہے، اوس توں کدھرے بھاری ذمہ داری سودھ کار دے اُتے وی آؤندی ہے۔ 'دیس دیاں واراں' دے سودھ کار سعید بھٹا ہوراں ___ وار کار وانگوں اپنے کم نال بھرواں تپاس کیتا ہے۔ نر پکھتائی تے سچائی توں اپنے قلم نوں گراہے پون نہیں دتا۔ ایہہ کم اک دھرتی جایا ای کر سکد اسی۔ سعید بھٹا ہوریں 'دیس دیاں واراں' وچ اک دھرتی جائے دے روپ وچ ساڈے ساہنے آکھلون دے ہین۔ اپنی جُوہ تے لوکائی نال انتاں داپیار کر دے ہین۔ پیار دے ہڑھ وچ وگدیاں کدھرے انیاں نہیں کر دے۔ انصاف نوں ہتھوں نہیں چھڈ دے۔ کھوج دے تقاضیاں نوں پوری ایمان داری نال نبھاندے ہین۔

کھوج داکم اُدھم، سنجیدگی تے انصاف دی منگ کر داہے۔ ساڈے پنجابی ادب وچ سنجیدہ کھوج داکم بہت گھٹ ہو یا ہے، جیہناں سنجیدہ کھوج داکم کیتا ہے، اوہناں کھوج دے کسے باقاعدہ اصول اُتے تُر کے نہیں کیتا۔ ایہہ گل نہیں پئی اوہناں دی گھالنا بے ٹلی ہے ___ اوہناں داکم وی اپنی تھادیں سلاہن جوگ ہے۔ 'دیس دیاں واراں' دے سودھنہار نے کھوج دے جیہناں اصولاں نوں لکھ رکھ کے ایہہ کم سرے چڑھایا ہے، نویں کھوج کاراں لئی ایہہ اصول چانن داکم کرن گے۔

سعید بھٹا ہوراں 'دیس دیاں واراں' سودھ کے پنجابی لسانیات نوں چنیوٹ تے جھنگ دی لفظالی نال امیری دتی ہے۔ واراں وچ ورتی لفظالی کلاسیکی سہ توں اجو کے دور تائیں پرچلت ملدی ہے۔ پنجابی نوں ایہہ دین سلاہن جوگ ہے۔ اجیہا بھوں وڈ ملاذ خیرہ حالی اکھوں پروکھا ہے۔ جیوں جیوں کھوج دا سنجیدہ کم ہوند اجائے گا۔ پنجابی زبان، ادب تے تاریخ دے نویں پرت کھلھدے جاسن۔ نواں جہان روش ہوند اجاسی۔ آس وندہاں اوہناں دیاں آون والیاں کتاباں 'بار کہانی' تے 'نابر کہانی' اک نویں پنجاب نوں لے کے آؤن گیاں۔